

---

## ВИЛОЯТ ҲОКИМИ ХАЙРУЛЛО БОЗОРОВ ҚЎҚОН ШАҲРИДА ТАДБИРКОРЛАР ТОМОНИДАН ИШГА ТУШИРИЛГАН ЛОЙИҲАЛАР БИЛАН ТАНИШДИ

Қудуқлик МФЙда "My seven technology" МЧЖ томонидан телевизорлар ҳамда кронштейнлар (деворга осиб учун темир воситаси) ишлаб чиқариш йўлга қўйилди. Лойиҳа учун 1 млн. доллар сармоя киритилиб, 40 та янги иш ўринлари яратилди.

Вилоят раҳбари бу ердаги иш жараёнини кўздан кечирди, тадбиркорнинг янги лойиҳалари билан қизиқди.

Маҳсулотларнинг пластмасса қисмлари корхонада ишлаб чиқарилади, қолган маҳсулотлар импорт қилиниб, териб чиқилади. Вилоят ҳокими билан суҳбатда тадбиркор Жўрабек Ботиров янги дастгоҳлар ўрнатаётганлиги, иш ўрнини 80 тага етказиш ҳамда маҳсулотларни экспортга йўналтириш бўйича амалга ошириш бўлган режалари ҳақида маълумот берди. Келгусида барча маҳсулотлар тўлиқ маҳаллийлаштириш бўйича ишлар олиб борилаётгани маълум қилинди.

Бугунги кунда Давронбек МФЙда жойлашган собиқ консерва заводи негизида янги лойиҳаларга киришилган. "Tech boil" МЧЖ томонидан қиймати 4 млрд. сўмлик электротехника маҳсулотлари ишлаб чиқариш лойиҳаси амалга оширилиб, февраль ойида ишга туширилди. Айти кунларда бу ерда 25 киши меҳнат қилмоқда.

Вилоят ҳокими корхонанинг иш фаолиятини бориб кўрди, маҳсулотлар турини кўпайтириш, тармоқни кенгайтириш, янги иш ўринлари яратиш ҳамда ҳудуддаги бўш турган жойлардан самарали фойдаланиш бўйича топшириқлар берилди.

Исломобод МФЙда "Baraka International Trade Group" МЧЖ хорижий корхонаси томонидан ташкил этилаётган Ҳунармандчилик ва туризм марказида амалга оширилаётган қурилиш ишлари билан танишилди. Лойиҳа қиймати 15 млн. доллар бўлиб, қурилиш ишлари давом этмоқда.

Ноқонуний қурилишларни бартараф этиш ҳамда ишламай турган саноат объектларини тақдимоти ўтказилиб, масъулларга аниқ вазифалар белгилаб берилди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2024-10-05 10:38:26